

CHIEF SECRETARY NOTES

Territorial Commander : Colonel Lalngaihawmi Territorial Commander chuan Territory pumah rawngbawlna peng hrang hrangah te Office hna tul tak karah hna tam tak a thawhte zingah, Territorial Songster Retreat OTC Kolasib-a neihah a kharna hun a hmanpuia, Dawrpui Vengthar Corps ah Territorial Staff Band leh Territorial Songster Installation hun ropui tak leh hlilmawm takte chu a ho bawk a, Division leh Institution-a Finance lam bul tumtute Seminar Kolasib OTC a neih pawh a hawn sak a, heng bakah hian THQ-a Board meeting hrang hrangte hovin hmathar lakna tur atan a ruahmanna te a neihpui bawk.

Proclaimer of the Resurrection Session : July 2011-a Officers Training College-a lut turin thalai mi 14 te chu tihfel an ni ta a, an Session hming tur pawh hi "Thawhleha Puangtute" tih a ni a, an training zawh a nghahlehwam hle. Hengho 2nd year huna 1st yr. a lut turin thalai mi 24 lak fel an ni tawh bawk a, heng 2012-2014 a lut turte Session hming tur chu "Disciples of the Cross" tih a ni ang.

Cabinet System : Khawvel ram dangte anga Salvation Army in awp dan chu South Asia ah pawh hman ve tawh tur a nih angin, India Eastern Territory pawhin 27 May 2011 khan Inaugural Function of Cabinet System tiin Aizawl Temple ah hawna leh hlanna hun neih a ni a, he function benglut tak hi Chief Secretary in hruaiin, Territorial Commander-in hawna leh Pathian hna hanna a nei a, Cabinet Secretary turte puanna a nei bawk a, chungte chu:-

1. Major Thanhira,
Secretary for Personnel Administration
2. Major Khawzadinga,
Secretary for Programme Administration
3. Envoy Joseph Lalrintluanga,
Director for Business Administration

te an ni. He hun bik inkhawmna benglut takah hian khawpui chung a Officers & Local Officers te sipai thahnem tak an pungkhawm a ni.

SAY Sport : Central South Division SAY Annual Sport, Football & Volley Ball final match chu Aizawl AR Ground ah ropui taka hman a ni a, he ni 2 awh sport final & kharna hun hi Lt. Col. Lalramhluna CS chuan khaulian niin a hmanpui.

Calender of Events : Tun May, June leh July

thla chhunga Sipai Pawl Ni pawimawh te chu Calender of Events-a a lan angin Corps/Society leh Social Institution-ah te urhsun taka hman ani hlawm a, Hq. Officer te pawhin hun tha tak neiin Corps ah an chhuak hlawm, hmun tinah kan ni pawimawhte a nihna ang taka hman leh kalpuitu Sipai leh Local Officer-te chungah a lawmawm tak zet a ni.

Visitor : National Secretariat Kolasib atangin kan Territory-a Finance Deptt-ah Army FA rawn zirtir tur leh Computer system lamah training pe pahin Capt. Emmanuel & Mr. Budha Dev te Aizawl an lo kala, Anmahni kan lo hmuh avang leh thil tha tak takte an rawn tih avangin kan lawm hle.

Chief Secretary & TSWM : Tun quarters chhungin CS leh TSWM chuan Aizawl khawpui Corps hrang hrangah Sunday chhun leh zana rawngbawlna neiin khat takin hun an hmanga, Sipai-te tan malsawmna tam tak an thlen a THQ atangin Officer ten CS te hi an tawiamw reng bawk a ni.

Damlo: 1) Major ST Dula, DC Himalaya Division chu Himalaya tlangsang tak Ft. 8000 dawn laia sanga Corps sipaite biakin thar hawng tura a kal chu, motor thlen theih chin piah lamah sakawra chuangin a kala, atla palh hlauh maia, Doctor ten taima taka an enkawl hnuin tunah chuan zawi zawiin Office hna tul zual chu a thawk leh thei ta, tawngtainaah i hrereng ang u.

2) Major Lt. Muani Guwahati-a kan free feeding programme i/c chu taksa hriseh lohna avangin damdawiinah zai (operation) ngai hialin a awma, he chanchin ziah lai hi chuan atana in tawngtai sakna avangin that lam alo pan leh ta a in lo tawngtaipui zel kan duh e.

3) Lt. Col. Kawlramthangi, TSWM chu june thla tir khan Mumbai TATA Hospital ah checkup tir a ni a, colonel nu hi a pasal kan CS in a kalpui a, pathian khawngaihna nasa tak Colonel nu hian changin, in tawngtai saknate avangin hlim tak leh lawm takin an lo haw leh tawh a ni.

Enge a sawi : "Ka thisen far tawp rak thlengin Lalpa Pathian tan hian Chhandamna sipai pawlah hian Sipai dik ni turin ka nunna hi ka hlan a ni" C. Thangkima CSM, OF

Lt. Col. Lalramhluna
Chief Secretary

KUM 80 TLIN LAWMPUINA

Bible-in chakna (hrisel thatna) avanga kum 80 pawh a dam theih a tih angin, July 2011 khan SIPAI TLANGAU chuan kum 80 i lo tling ta reng mai a, ka lawmpui tak meuh che a ni. Kei aia kum 10-a i upat avangin ka ngaisang khawp mai che. I sakhming hi Capt. Kawlkhuma hova an phuah nia an hlim dan turte ka ngaihtuah kir a, a khawhar thlak duh ang reng hle. Kum 80 kai ilo nita hi ka lawmpui tak meuh che a ni. Bible chuan chakna avangin mihring chu kum 80 pawh a dam theih thu a sawi a, nangpawh thangduang chak tak nilo mah la; chakna thar nei zelin kum 80 zet i lo nita. Joshua chuan ramenthla tura Mosia'n a tirh lai khan kum 40 mi anih thu leh kum 80 a lo nih hnu pawh a, kum 40 mi a nih lai ang bawka chakna a neih thu a sawi. Nangpawh kum 80 lo ni tawhmah la, i chak thar zel a, i thlen chin a zau zel bawka; hmelhriat tute i ngah deuh deuh bawka hi ka lawmpuina che chu a ni.

I BUL TAN DAN : Naupang zawkten i hmel an hmuh a, Chiang zawka an hriat theih nan che, i lo zik chhuah dan tlem ka han sawi ang e. Baptis-tu Johana leh Isua Krista dungthulin i pian hmian i hmung sak a ni a, i hmung tura sak te, 'Indona Tlangau' Indona Puangtu' te leh 'Kristian Sipai Tlangau' tihte zingah Sipai Tlangau tih hi i pu hlen ta ani. I hmung hi hotu liante pawmpui turin Aizawl atangin Calcutta THQ-ah thawn a ni a, Col. Mackenzie TC chuan a lo pawm tak avangin July 1931 atang chuan i lo piang chhuak ta a ni. Salvation Army a din atanga kum 14-naah War Cry a lo piang angin, Mizoram Salvation Army a lo din atanga kum 14-naah chiah ilo indin ve a ni. July 1931-ah 'Lily Printing Works', Madan Bara Lane Bow Bazar, Calcutta-ah chhut i ni a, phak 8 chauh i ni. 1934-ah M.P & P House Ltd. 56, Dhuramtolla St. Calcutta-ah chhut i ni leh ta a, phak 12-a chhah i lo ni ve ta. Hemi hnuah hian Prince Printer Waliulah Lane Calcutta, 16-ah chhut i ni reng a, June 1985-ah chuan Centenary Press Aizawl-ah chhut i ni leh ta a, tun thleng hetah hian i chambang ta ani. A va ropui em!

Kum 1991 khan kum 60-na lawm nan special issue siam a ni a, hemi atan bik hian i phak pawh belhchhah niin, danglam bika buatsaih i ni a, i kum 80



- Lt. Col. Lalramliana

naah hian i puten nangma puala programme an buatsaih lo hi chu ka vuipui deuh che a ni (I pute hi an inthlak hun lai tak leh Office pawh an sawn buai lai tak a nih vang pawh a ni ngei ang, nang zawng i puitling tawh bawka, i lo hre thiam a niang chu Ed.) Mahse, tha thlah lovin chak zawka hmalam pan zel turin inbuatsaih sauh sauh la a tha ang.\

EDITOR-TE (I pu lo ni tawhte)

1. Captain Laldela - July 1931 - Sept. 1941
2. Captain K. Khara - 25.10.1942 - 01.03.1948
3. Captain Vaikhuma - 15.07.1953 - 15.07.1975
4. Major Chianghnuna - 01.07.1975 - 01.05.1977
5. Major Vaikhuma - 1977 - 1985
6. Major Lalramliana - 23.01.1984 - 01.05.1985
7. Brig. Vaikhuma - 1986 - 1987
8. Major Lalramliana - 15.07.1988 - 12.02.1991
9. Major Lalthlamuana - 15.02.1992 - 30.04.1993
10. Major Ngunthanga - 01.05.1993 - 30.06.1994
11. Major Lalthlamuana - 01.07.1994 - 28.02.1999
12. Major Vanlalfela - 01.03.1999 - 30.04.2002
13. Major Hrangngura - 01.05.2002 - 05.04.2005
14. Major Vanlalfela - 06.04.2005 - 30.07.2010
15. Major Chawnghluna - 01.08.2010 - 30.05.2011
16. Major K. Lalrinawma - 01.06.2011 -

Lt. Col. K. Khara leh Brig. Vaikhuma-te inkar 1948-1953-ah hian kum 5 a awm a, hemi chung hian tunge Editor ni a, Editor hi hna dang nen tuin nge kawp tih hi chhui theih a ni ta hauh lo mai a, a hre Chiangtu tan chuan sawi lan a tha khawp mai. Chiang kek kawka hriat mai theihna record bu fel tak kan nei ve ngai lo hi kan puitlin tulna ber pakhat a ni. Thil chhui bing han neih chang hian kum tlemte liam tawh pawh buai viau a ngai

zeal, tun atang chuan thil reng reng record-na bu a hrana siam a, vawn that tlat zel a tul hle a ni.

Editor-te harsatna tawh thin chu article chhuah tur duh tawh a awm ngai lo kha a ni a, tunah chuan Pathian zarah he harsatna hi Editor tan an nei tawh lova, chhuah sen loh article a awm thei ta hi a lawmawm tak meuh a ni.

EDITORIAL BOARD : Editorial Board hi thla tin neih thin a ni a, Sipai Tlangau-a chhuah tur editor ten an lo buatsaih chu ngun taka thlir ani. THQ Litterature Board taimak leh taimak loh te, fimkhur leh fimkhur lohte chu Sipai Tlangau lan dan leh thu chhuah atangte hian awlsam taka hriat theih a ni. Chanchin dang ang bawkin,

Sipai Tlangau hian kalphung fel tak a nei a, chu chu vawn nun reng a pawimawh khawp mai. Editor-in a duh dan ang ang a kalpui loh nan leh, Sipai Tlangau chu zahpuiawm loha a thanzel theihna turin literature board hian mawh a phur thui em em a ni.

Sipai Tlangau hi taima takin chhiar la, a hun takah a man pe ziah bawh la, kum 80 dang lo awm leh tur atan malsawmna thlentu ropui tak i ni mai dawn a ni. Sipai Tlangau hi hmasawn a, chanchin Tha zau zawka theh darha, hmalam pan zel turin duhsakna ka hlan e.

(Hetiang thu pawimawh leh Salvation Army tan Document hlu tak min vawn saktu Lt. Col. Lalramliana (R) chungah lawmthu kan sawi e. - Editor)

INTHIANGHLIM TUR A NI

“A kotu che u a thinghlim angin, nangni pawh in chetzia zawng zawngah lo thianghlim zawk rawh u, nangni inthianghlim tur a ni, kei ka thianghlim si a”

I Petera 1:14,15

Kan Pathian thuin min hrilh angin, kei ka thianghlim si, a sawi hi arawn sawi chhuah chhan han ngaihtuah hian, thuril, Pathian rilru mai ni lovin, thianghlim lo chuan Pathian hmuh rual a ni lova, chuvangin, Pathian thianghlimna kianga chengve thei tur chuan Kros thiltitheihna leh Thlarau Thianghlimna piantharna atang chauh lo chuan Pathian chu hmuh theih a ni lova. Isuan Mathaiaa 5:8 ah sawi ang khan “Thinlunga thianghlim te chu an eng a thawl e, Pathian an la hmu dawn si a”, a ti a. “Nangni inthianghlim tur a ni, Kei ka thianghlim si a” tih atang hian i inngaihtuah ang u. Engnge min daltu?

Kan thlarau chatuana nung tlakah thisen in tlengfai ang che, tiin.

1. ENGTIKAWNGA THIANGHLIM TUR NGE? : Kan thurin No.10 ah chuan, ‘Ringtute vanneih bikna chu, an puma tih thianghlim a, awmtheihna a ni tih ka ring a, an thlarau leh an rilru leh an taksa chu kan Lalpa Isua Krista lokal leh hun thlengin, sawisel bovin a puma humhimin a awm thei tih kan ring.’

Tichuan, kan thurin No.10 na kan rin ngam nachhan chu an puma tih thianghlima awmte chu Lal



- Major PC Thansanga
Aizawl Bazar Corps

Isua lokal leh thlenga sawisel bova an puma humhimin an awm dawn a ni tih a sawi avangin a ni. 1 Thes. 5:23 ah khan Pawlan “Remna Pathian ngei chuan in pumin tithinghlim che u rawh se”, tiin a sawi bawh a, chuvang chuan Rilru leh taksa chu kan chetzia ah a thianghlim tur a ni.

2. AHMASA IN : Rilru leh thinlung thianghlimna hi kan mamawh hmasa bera, thinlung hi thildang

zawng aiin bum hmang leh chhe ber a nih tawh avangin, Pathian chenna tlak thinlung thianghlim kan mamawh a ni e.

Lal Isuan “Thinlunga thianghlimte chu an eng a thawl e, Pathian an la hmu dawn si a”, a ti a. Chuvangin, Pawlan “Incheina aia pawimawh zawk chu thinlunga thinghlimna hi a ni a”. Tichuan thinlung ber a thianghlim tawh chuan pawnlam chetzia leh tawngkam thlengin a thianghlim thin a ni.

Petera chuan, “A kotu che u a thianghlim angin nangni pawh in chetzia zawng zawngah lo thianghlim zawk rawh u”, a ti a. Mizoram Kristiante hian a sawia sawi lamah chuan hma kan sawn viau mai, amaherawhchu Pathian anna nun hi Thianghlimna lam kawngah hian kan thlan a tul hle niin a lang ta thung a ni.

3. MIHRING CHUAN PAWNLAMA THLIR

THIN: Mihringte hian pawnlam mawina kan thlir thin a, Lalpa erawh chuan thinlung lam a en zawk thin. Pawnlam silhfen inthumna sakhua na kawra hmang, chinghne berawm vun sin, chhungril lam erawh chu bumna, huatna, itsikna, chapona, mahni hmasialna leh hleprukna, thinlung bawlhhlawha khat tlatte hi kan va tam ta em!!

Kan Lal Isuan, “He mite hian an ka in min chawimawia an thinlung erawh chuan min hlat si” tiin, Mathaia 15:8 ah a sawi a. Kum 2008 a kan Thupui an khan ‘Intithianghlim rawh u’ tiin, kum2009 ah chuan ‘Intithianghlin reng rawh u’, tih a ni leh a. Tunge kan Thupui hi Sermon ngam ta ang le? Keini angte hian han sawi dawn ila, miten min chhiar, min thlir reng e, a nunah hmuh tur awm silo, tih hla min lo sak khum emaw a ni ang a, William Booth-an Thlarau Thianghlim tello sakhua a tih angin, sakhua ringawt atang chuan kei chu, ka Thupui hi sawi enah ka en phak lo a ni e, a chhan chu Mihring lam kan nun lam thlirtu an awm zel a ni. Kumpulan Thupui sawitu apiang sawi hi Lalpan malsawm zel rawh se.

4. CHHUNGLAM LEH PAWNLAMAH A

PAWIMAWHNA : Thinglung chhung thianghlimna chuan taksa leh pawnlam thlengin a ti langchhuak thin. Chutiang a nih tawh chuan kan silhfen, kan mutbu thlengin a thianghlimin a fai tur a ni. Kawr nghawng bal leh kawr zak val kuau te, inbello ila, ruihhlo zu, drugs te leh vaihlo zuk leh hmuan, tuibur bansan a va hun ta em.

Tin hriselna tichhetu, natna thlentu leh sum lah pai a thlawna sen ralna leh a hun hmaa thlanmuala min hnukliamtu a ni si a. A thuhrim hrimin Pathian hian bawhlawh turin min ko lova thianghlim turin min ngen a, kan sawi tawh ang khan, sahdah heh chhunga hnawh tun chungin pan khawr thial sen sung mai chu, chutih naklaiin milam hawiin tawng per sur surin, kan rim a lo chhe bawk nen, ‘Inti thianghlim rawh u’, han tih ah chuan kan thuah fai mai a har lova, ‘Inti thianghlim reng rawh u’ chu a va khirh em ve le, ‘Inthianghlim tur a ni, kei ka thianghlim si a’ tih chu a zahawm leh zual a ni e.

5. SEX HMAN DIKLOH LEH HIV

HLAUHAWMLAKAH : Thianghlimna thu kan sawi mawlh mawlh laiin hurna, sex lam, uirena, sual tenawm pui pui hian Kristian inti sakhawmi, puithuna huan a rawn dai ta e. I Korinth 6:20 ah khan Pawla chuan “Taksa hi Lalpa tan a ni e, in tisa chakna tipuitling turin engmah insiam suh u”, a ti a. Mahse, tunlai anga inggaihna sualte, uirena leh hurnate, sex lam, mipat hmeichhiatna a hluar ta em em mai hi, I Korinth 6:9-10 kan chhiar chuan Pathian ram luahlo tur kan va tam dawn em aw!! Chu chauh a ni lova, HIV a hlauhawm a, chuvang chuan Nu leh Pa te, chhungkuaah fimkhur takin, tawngtaiin min kotu a thianghlim angin, thianghlimna kawngah kan thurin No.10 na a a sawi angin ringtute vanneih bikna, a puma tihthianghlim leh an thlarau leh taksa chu Lal Isua Krista lokal leh thlenga sawiselbo leh humhima a awmna turin. ‘Nangni inthainghlim tur a ni, kei ka thianghlim si a’, titu hian tun atan pawh min la sawm e.

Thianghlimna lovin nang kan hmu lawng che, Ngaihna thinlungah hian lo cheng la Silfaina tui ka duh che.

I SAWI AH FIMKHUR RAWH



- Lt.Col. Lalthlamuana

Thuhriltute hi kan fimkhur a ngai. Bible-a awm lo te hi kan Bible thu sawi hmiah zel hian kan sawi dangte kha a ti awihawm lo zo thin. Biak Inah te, khawhar in emaw vantlang puipunnaah chauh ni lovin, mimal titina ah te pawh ni se Bible-a awm lo si, Bible thu ang hrima sawi hi chin loh tawp tur a ni.

Hetiang thu belhchian dawlo, Bible a awm lo an sawi sual pariat emaw chauh lo en ila.

1. Kainan a thlai thar tha hlan lova, a chhia hlan anga sawi hi Bible ah a awm lo, Lalpan Kaina thilhlán a pawm lohna chhan chu thisen a tel loh vang a ni ang. Abelan ran a hlan hi, thisen nei a ni a, Isua thisen avanga chhandamna kan nih theihna tur hlim-thla a ni. (Gen. 4:3-6)

2. Pathianin Abrahama hi Ur khua atanga a ko chhuaka sawi hi a dik lo. Ur khuaa awm a ni ngei a. Kanan rama kal turin Ur chhuhsanin an chhungin an chhuak a, Haran an thleng a, awm hmun an khuar a, a pa tera chu Haranah hian kum 205 mi niin a thi a. Heta an awmlai hian Lalpan a ko chhuak ta a ni zawk. (Gen.11:27, 12:1)

3. Pathianin a koh tel ve loh Lota a hruai avangin, Lota nena an awm hran hma chuan Lalpan Abrama be ta lo reng reng a sawi hi a dik lo. Sekem khuaah, Mamre sasua thlengin a kal a, chutah chuan Lalpan Abrama a bia a (Gen.12:7) Lota nena an in thenfel chu Genesis 13:8-13 ah daih sawi a ni.

4. Khawchhak mifingte Lal Heroda ina nausen Isua zawng anga sawi hi a dik lo. Judate sakhaw hmunpui Jerusalem-ah lo kal in mite hnenah "Khawiah nge Judate Lal lo piang chu?.....Amah chibai buk turin kan lo kal a ni" an ti a, chu thu chu Herodan a hriatin piuthiam lal te leh lehkha ziaktute ko in Isua pian tur thu a zawt a. Annin Bethlehema piangtur a nih thu an hrilh avangin Heroda hian mifingte hi a ko chauh a ni zawk a (Mat. 2:1-8)

5. Isuan uain tipung anga sawi hi a dik lo. Kana khuaa mo lawmnaah uain in a daih lova (an sem zo vek a, tihpun tur pawh a awm lo). Isuan tui bel 6 ah tui dahkhat turin a hrilh a, chu tui chu uain thlum tha takah a chantir a ni zawk. (Johana 2:1-11)

6. "Thihna hi malsawmin awm rawh se" tia Paulan a sawi anga sawi hi a dik lo. he thu hi Bible ah a awm lo hrim hrim.

7. "Bible in zu in a phal a, zuruih erawh a phal lo" tia sawi pawh hi thu dik lo a ni. Timothea dam lo leh a pum lam a sawisel thin avanga damdawi atana uain tlem in thin tura, damdawi atana a chawh hi an chhuanlam a ni awm a, hei hi zu in hrim hrim phalna sawimawina a nilo.

8. Herodii fanu lamin Heroda a tihlawm avanga a duh apiang dil tur leh, a ram zat ve pawh Petera a intiamna kha, a hming chu Salomi tia sawi mai thin an awm a. Herodi fanu hming hi Bible ah sawilan a ni lo. thawnthu an chuan a awm.

Hei chauh lo pawh Judate thawnthu a ni, Bible thu anga sawivak hi chin loh tur a ni, "thawnthu ah chuan...." tia kan sawi erawh chuan a pawl love.

Thenkhatin Isua thusawite hi, Paula leh petera sawi ti ta mai te an awm thin a. Diklo taka kan sawi hian, a dik hria an lo awm thin si a, zia lo tak ani a, kan thilsawi dangte pawh a ti awihawm lo zova, min ti zahawm lo bawk

Fimkhur takin thil i sawi ang u.

'MANA' THURUK LEH 'LUNG VAR'

Thupuan 2:17

“Thlarauvin Kohhranho hnenah thusawi hi beng nei chuan hrerawh se, Ahnehtu a piang hnen ngeiah chuan, ‘MANA THUHRUK’ zing a mi ka pe anga, ‘Lungvar’ pawh ka pe ang. Chumi lunga hming thar ziak chu; chu hming chu a changtu chauh lo chuan tuman an hrelo a ti e” tiin.

Chhiartu duhtak te u, mana thuhruk leh Lungvar hlut zia hi in lo ngaihtuah tawh ngai em le? I lo ngaihtuah tawh emaw, ngaituah lo emaw pawh nise, malsawmna ilo chan theih ngei nan, Tawngtaina rilru nena lo chhiar theuh turin ka ngen a che u.

‘MANA’ tih hi Hebrai tawng a ni a, ‘Engemawni’ tihna a ni a. Han sawi zau deuh ila. Mizo hnahthlak ngei, Hmar tawngah chuan, temana tih a awm ve a, chu chu ‘Eng ngeni’ tihna a ni a. Chuvang chuan Mizo te hi Israel mi kan ni e titu te tan pawh, tanchhan (tanfung) thatak a ni thei awm e.

1. **“MANA THUHRUK”**: Mana thuhruk hi engngemaw a awmzia le? kanti a ni mai thei. Hmanlaiin Israelte chuan, Rangkachak belah mana chu dahin, pathian Thuthlung bawm ah an dah leh a, (thuthlung bawm ah chuan Arawna Tiang chawh leh, Thusawm pek te pawh dah anih thu Bible in min hrilh a. Chu chu (Exodus 16:31-36. Hebrai 9:1-5) Kum 500 chhung lai chu mihring mit hmuhtheihloh in thurukin a awm tlat a. Johana 6:32,33 ah cchuan, “Kei hi van atanga chhang Nung lo chhuk chu kani.... Khawvel nun nana ka pek tur chhang chu ka Tisa hi a ni” a ti a. Johana 6:51 ah chuan, “Kei hi van atanga chhang nung lo chhuk chu kani, khawvel nunna a ka pek tur chhang chu ka tisa hi a ni” a ti a. Hei hian a in ngaihtlawm lai chu a entir a. Van atangain Pathian chu mihring niturin a lo chhuk a. “Mana thuhruk” cchuan tlawmtaka a lo awmlai chu a entir a. Chuvangin LALPA chuan “HNENTU” apiang hnen ah ropui taka a awmna ah chuan, a in ngaihtlawm na ropui thuruk chu a la hriattir dawn a ni.



- Major Sangzuala
Bazar corps, Aizawl

2. **“LUNG VAR PAWH KA PE ANG”** : Hmanlaiin ATHEN-ho chuan, AREOPAGAS- ah cchuan an Rorelnaah thiamchang leh changlo en nan vote (vawt) an thlak thin a, “Lung var” chu thiamchang entirna a ni a, “Lung dum” an thlak chuan thiamchanglo entirna a ni thin.

Grik leh Romho pawhin “Lung var” chu lawmna leh thiamchang entir nan an hmang bawh thin. Ruaithehna tur a insawmna ah te pawh mi an sawm a, an sawma te hnenah chuan duhsak bik entir nan anpe thin a, lung chungah chuan sawmtu chuan a hming thaber a ziak thin. Chutiang bawkin, Isua Krista chuan a hnehtu a piangte hnenah, Lungvar pek a tiam a. “Chu mi lung a hming thar ziak nen”. Hnehna neitu leh Lalpa hmangaihna danglam bik riau dawn a ni tih kan hrethei ang. “A changtu chauh hriattheih” anih dawn avangin, hnehtu kannihve loh chuan, Lalpa duhsak bikna (special) leh lawmna chu kan hrepha lovang, a changtu chauh hriattur a nih avangin.

Heng, kan sawi tak pahnih te: “Mana thuhruk” kan eitur dikta leh “Lung var” chawimawina hlu ber kan dawn tur diktak te hi, kan damlai chhung ngeiah kan chan turte a ni a. Chuvangin chumi chang tawh tute Mizoram a mi te chuan Setana thik leh huat thamin rawng ka bawla, a hun a thleng tawh tih hria a, namen lovin Setana chuna min run mek a, natna khirkhkan tak tak te, hmeichhiat mipat naah te, sum leh pai ah te, tualthah pawisak lohna ah te leh inlungual lohna, politic lamah insawichhiat na leh mahni hmasial ni in

kan khat zota a ni. Heng zawng zawng hi, Setana leh a hote hnathawh vek a ni a, nimahsela LALPA Pathianin min hriatpuiveka nasa leh zualin ringtu ten tan kan lak a ngai ta a ni.

Pathian thu chuan, “Kan buan te hi tisa leh thisen a nilova, lalna te leh, thuneihna te leh, he thim chung a khawvel roreltu te leh, vanhmuna thlarau sual awmho te anni zawk” (Ephesi 6:12- ah min hrilh a ni)

THUTHLUNG INTHLAK DAN LEH INTHLAKNATE

- *KT Chianga R.S*
Thuampui Corps

Bible chhiar tur:- Heb.8:6-13, Kol.2:8-17

Pathian thu, ngiahtuah zui tura ka han chhawp chhuah hi a pawimawh hle mai a, Pathian thu laimu a nih bakah, rinna leh chhandamna lo chhuahna pawh a ni a. Mi tam takin an hmuh fiah loh avangin rinna hi an tlansan phah hialah ka ngai.

A hmasa bera kan hriattir tur chu: *Thuthlung* awm a, Thuthlung chu chhandamna a ni. *Thupek* a awm baw a, chu chu mihringin a tih tur leh a zawm tur a ni. *Thutiam* a awm leh a, *Thupek* zawmtute tana malsawmna ani. Pathianin a mite tan thu a thlunga, a thuthlunnate hnenah *thupek* a siam leh a, a *thupek* zawmtu ten malsawmna an dawn tur thu a tiam a ni. Thuthlung kal hmang chu han sawi ta ila.

1. Pathianin Abrahamana hnenah thu a thlung a. “Chi tam tak thlaha lo pung turin, amah leh a thlahte pawh ram zau tak a pek tur thute, kum zakua zet hreawm an tawrh tur thute, hnam hrang hrangte nen an chen pawh tur thute chu a thlung a”. (*Gen.15:1-21*)

2. Chu thuthlung chhinchhiahna atan chuan serhtan turin thuthlung a siam leh a, chu chu zawm ngei turin a ti baw a. “Hei hi kei leh nang leh i hnua i thlahte kara ka thuthlung i zawm tur chu a ni, in zinga mipa tawh phawt chu serhtan tur a ni,...chu chu nangmah nena kan inkar a thuthlung chhinchhiahna a ni ang ”. (*Gen.17:10-11*)

Israel ten serh an tan nachhan chu, Abrahamana hnenah Pathian thuthlung chhinchhiahna a nih chu. Thuthlung reng reng chu thlak leh vek a ni a, *thupek* leh *thutiam* erawh chu tihdanglam a ni ve lo, serhtan thuthlung chu thinlung lama tanin a rawn thlak a. “A lang maia serhtan chu serhtan tak a ni baw hek lo,...serhtan tak chu rilru lama tan a ni, lehkha thu mai ah ni lovin, thlarau lamah a ni”. (*Rom. 2:28-29*)

“Siamthar lehna lo chu serhtan tan engmah a ni lo, serhtan tan lo pawh engmah a ni hek lo”. (*Gal. 6:15*)

“Krista Isuaah chuan serhtan engmah a sawt lo, serhtan loh pawh

engmah a sawt hek lo, rinna hmangaihna thawh erawh chu a sawt a ni”. (*Gal. 5:6*) Pawn lam lawng theia serhtan chu thinlung lama tanin a thlak ta.

3. *Serhtan thuthlung* chhinchhiahna atan Israela thlahte hnenah Sabbath serh turin a ti a. “kei leh Israel thlahte inkarah hian kumkhuaa thuthlung chhinchhiahna a ni” (*Exo. 31:12-17*)

Serhtan thuthlung chhinchhiahna atana Sabbath serh tura tih chu Isuan a rawn thiat ta a. “Chawlhni hi mihringte tana siam a ni a, mihring hi chawlhni tana siam a ni lo; chutichuan mihring Fapa hi chawlhni chung lam pawh Lal a ni” (*Marka 2:27-28*).

A awmzia chu:- “Chawlhni (sabbath) hi mihringte chung a thuneitu tur a ni lo, chawlh hahdamni mai chauh a ni, van kaina tur hmanrua pawh a ni lo. Chawlhni neitu zawk hi inserh tura chu a ni e, amah hi van kaina kawng, in chawlhna tur dik tak chu a ni e”. a tihna a ni.

Thuthlung thar chawlhni (sabbath) chu Isua Krista hi a ni. Sabbath danin a khap chu Isuaah chuan awmze nei lo a ni a, Chawlhniah a ti dama, Ramhuai a hnawt chhuaka, buh hmunah a kal, an ei bawk a, heng hi sabbath ni chuan tih thianga a ni lo, suala ngaih a ni.

“Chutichuan Pathian mite tan chuan chawlhni a chawlhna a la awm ta fo va.” (*Heb.4:9*)

Chu chawlhna Krista, chawlhni tak taka chawl; tawhte chu sabbath serha chhinchhiah ni lovin, Thlarau Thianghlimin min chhinchhiah ta a, a chhinchhiah chuan ni zawng zawng hi Lalpa tan an serh thianghlim ta a, Pathian duh zawngin nitin nun an hmang ta a, pahtian thu avangin kawng engkimah an rinawm tawh a ni. “Pathian chu fakim awm rawhse.”

“Thlarau Thianghlim tiam chuan chhinchhiaha in awm kha, chu chu Pathian ropuizia fak nan ama ta ngei tlan chhuahna turin kan roluahna tura zakhamna a ni.” (*Ephe. 1:13-14*)

“Pathian Thalarau thianghlim chu tilungngai suh u, Tlan na ni atan chuan amaha chhinchhiaha in awm kha” (*Ephe. 4:30*)

4. *Simna baptisma*, tui baptisma pawh chu Thlarau Thianghlim leh mei baptisma in thlak a ni bawk a.

“Johana, thlalara baptistu kha, thiltihual ngaihdam nan simna baptisma thu hrilin a tir chhuaka. An sualte thupha chawin Jordan luih chuan a hnenah baptisma an chang ta hlawm a.” (*Marka 1:4-5*)

Chuta lo kal, baptisma changte hnenah Johana chuan “Ka hnungah keimah aia ropui zawk a lo kal mek a ni; kuna a pheikhawk hrui phelh tlak pawh ka ni love, kei zawngin tuiin ka baptis che u a; a ni erawh chuan Thlarau Thianghlimin a baptis ang che u,” tiin a hril a. (*Marka 1:7-8*)

Chanchin tha Luka ziaak bung 3:16 ah chuan, “Kei zawngin tuiin ka baptis che u a, nimahsela keimah aia ropui a lo kal dawn e, a pheikhawk phelh tlak pawh ka ni love; a ni chuan Thlarau Thianghlim leh meihin a baptis ang che u,” a ti a.

Johana thu sawi, Mizo tawng hi Mizo tawng bawkin han let ta ila. “Kei hi chuan sual sim entirnan tuiin baptisma ka chantir che u a, a tak tak lo kal tur entirna mai chauh a ni, a tak Isua Krista a lo thlen hnuah chuan, a lem leh entirna mai hi chuan awmzia a nei lovang. Ani chuan tui ni lovin, Thlarau Thianghlim a chantir ang che u a, in sualte pawh Kross meipuih a hal ral vek dawn a ni. Baptisma ka chantir ve hi chu a lem leh entirna mai chauh a nih avangin chhawm nun zel tlak a ni lo, kan ropui hlei a, kan hmanrua pawh a ropui hlei em em mai, a tak chu Krista hi a ni e, ka tihve hi chu a hlimthla mai chauh a ni e,” a tihna a ni. (*Kol. 2:17*)

5. *Kalhlen kut chaw* (sagrament kan tih) pawh hi Krista taksain thlak a ni bawk a. Hmuh theih sacrament chu, rawngbawltu ten an ti urhsun chawp a, a eituten an ngai ropui bawk a.

Sacrament dik tak, nunna chhang Isua chuan a rawngbawltute a ngai urhsuna, nunna chhang eitute chu fa ropuina a pe thung. Bahadura te, Murmuah te siam, chhang hi chuan awmzia a nei lo, hetiang mai mai hi chu inngah nan hmang suh u. “Ka pa erawh chuan van atangin chhang tak a pe che u a nih hi, Pathian chhang chu van atanga lo chhuka khawvel hnenah nun petu hi a ni.” (*John. 6:32-33*)

“Kei hi van atanga chhang nung lo chhuk chu ka ni, tupawhin he chhang hi a ei chuan chatuanin a nung reng ang, a ni khawvel nun nana ka pek tur chhang chu ka tisa hi a ni.” (*John 6:51*)

Heng thute hi han sawi ila, mi tam tak chu an hriatna hluiah zung an kaih nghet tlata, an rilru chutih khauhin an awm thin. “Vawin thleng pawh hian thuthlung hlui chu an chhiarin khuhna pangngai chu hlim lohvin a awm reng si a, vawin thleng hian Mosia Lehkhau an chhiar apiangin an thinlungah chuan khuhna a awm thin.” (*II Korth. 3:14-15*)

Ran thisen chu Isua thisenin, Pawn lam lang thei a serhtan chu thinlung lama tanin, serh tan thuthlung chhinchhiaha atana sabbath serh aiah sabbath chunga thuneitu Krista chu serh zawkin, Thinlunga serhtante chu Thlarau Thianghlim chhinchhiahin, tui baptisma chu Thlarau Thianghlim leh mei baptisma in.

Sacrament chhang, Bahadura te, siam aiah van atanga chhang nung lo chhuk Krista taksain, Eden pawn lam nun bak nei tawh lo chu tho leh Krista nun peka thuhruk sakin. Aw te, ri te, thli te, zawlneite leh Puithiam hmanga hruai thin chu Thlarau Thianghlim hruaiin an awm.

Pawn lam atanga thupek ni tawh lovin kan thinlungah a thupek a daha, a ziak baw a, kan sual zia hmutu leh hre chiangtu khan, Isua phenah chuan kan sualna a hmu ta lo. Keimahniah a chenga, a inah min puang a, faah min vuah ta a ni. Lalpa chu fakim awm rawh se.

TLUKSANNA LEH MUTTHLUKNA

Ringtu, Kristiante zingah tluksanna leh mutthlukna a thleng mek a ni. Khawvel pathian (setana) atanga lo chhuak, tisa duhzawng leh khawvel ngainatna hnim hlingnei leh buarte chuan min dipral mek niin a lang. Inkhawm peih tawh lo; tisa leh khawvel rilru duhzawng uma thatchhiatnain a man kan tam hle awm e. Inkhawm thin pawh; a langa mawi zawnga, dan anga inkhawm kan tam hle mai. Bible pawh chhiar peih tawh lo, Pathian thu lam chanchinbu pawh chhiar tha peih chuang lo kan tam wme. Thu ho mai mai leh vainu ruak deuh leh, nula thla chuanna chanchinbu chu, lehkhabu dawrah hralh tla ber an ni ta. Kan chhungril nun chu tisa na in a khat a, sum lamah kan harh hru a, thutak lamah erawh chuan kan pawnglang hlsawm hle niin a lang. Seh ngai seh tlat a, Pathian tana rinawm tlemte avangin Kohhrante pawh hi a kal hram hram chauh a ni mai lo maw?

Rinna bansan a hlauhawm : Khawvel hmasawna leh changkanna hian khawsak

awlsamna leh nawmna a rawn thlen a, hei hian Pathian mamawh lohna a rawn thlen mek a ni. Nawmsakna chuan tisa duhzawng lama zalennaah zawi zawiin min pawt lut a, Rinna bansanna leh mutthluk sannaah mi tam tak an lut mek niin a lang. Rinna bansanna leh mutthluk sanna hi Lalpa phatsanna nasa tak a ni. Hebrai Ziaktuin, “Unaute, fimkhur rawh u, chutilochuan Pathian nung chu bansan turin in zingah tu chungah pawh rinlohna thinlung sual a lo awm dah ang e,” tiin infuih tawn turin min chah a ni (Heb. 3:12). Krista changtute kan ni a, kan rinchhan tantirhna kha, (kan hmangaihna hmasaber kha) a tawp thlenga nghet taka kan vawn tlat a tul a ni (Heb. 3:4). Israel fate pawh Aigupta ram atangin hruai chhuah niin thlalerah Manna te ei mahse, Rinlohna (rinna bansanna) avangin Kanan ram lut lovin an ruang thlalerah a tlu boral zo ta a ni (Heb. 3:16-19). Rinna bansan hi a va tha lo em! Pathian khawngaihnaa piangthar a, rilru tihvarsaka awm a, thu tha tinreng dawnga hre tawh si, Thlarau



- PC Lianhmingthanga
Aizawl Temple Corps

Thianghlim hruaina pawh lo chang tawh - khawvel duhzawng lama lut leh a tlukante chan chu a va rapthlak em! chu mite chu an simna turin siam thar leh rual a ni lo, Pathian fapa chu anmahni tan khengbet nawn leh a timualpho an nih avangin (Heb. 6:4-6). Lal Isuan amah phatsan te chu a Pa Vana mi hmaah leh vantirhkohte hmaa a phat ve tur thu a sawi tih kan hre baw (Mt. 10:33; Lk. 12:9).

Sakawlh (Dan bawhchhepa) hun a thleng tep a, Lal Isua phatsanna, Rinna bansan tute chu an chalah leh an kuta sakawlh chhinchhiahna nei turte chu an ni mai a. An hremna tawh tur rapthlakzia Johanan Thupuan-ah min hrilv vek kha (Thup. 14:9-11). Chu mai chu

ni lovin, chatuan hremhmun meidil chu an tawpna tur a la ni dawn lehngal (Thup. 20:15).

Tisa duhzawnga nawmsakna : Rinna bansanna leh tluksanna lo chhuahna leh, Ringtute zinga mutthlukna lo thlenna hnar ber chu tisa duhzawng, nawmsakna leh khawvel ngainatna atangin a ni thin. Eden huana thei eia harh chhuak, Pathian pawm theih loh, Diabola zia : Tisa chakna leh duhzawng nawmsak umna hi Rinna bansanna bul a ni fo thin. Dema chuan tunlai khawvel a ngainat avangin Paula a kalsan thu kan hmu (II Tim. 4:10). Khawvel leh a chhunga thil awm hi hmangaih a awl hle a. Chungte chu mihring tisa leh rilru duhzawng nen hian a inzawm tlat thin. Sum ngainatna nawmsakna, tisa duhzawng, sex rawngkai leh kamhleina thil te hian Ringtute min bei fo thin. Taksa a tisa neia kan la awm avangin khawvela kan cham chhung chuan remchangah setanan min beih nan a hmang fo dawn a ni. “Taksa duhzawng in zawmna turin in taksa thi theiah chuan sualna in rorel suh se,” Paula’n a ti (Rom 6:12). Tisa duhzawng chu Pathian dona anih avangin Pathian danin a awm lova, a awm thei bawk hek lo (Rom 8:7). Nitin Kraws-a kan mihringhlui khenbehna - Kraws pu a ringtuten nitin Lalpa tan kan din a ngai a ni. Tichuan, Paulan Galatia mite hnena a sawi hi kan chanvo a ni thei ang. Chu chu hei hi a ni, “Tin, Krista Isua mite chuan tisa chu a sual ngaihtuahna leh chakna te chawpin an khengbet ta,” tih hi (Gal. 5:24).

Tluksan lohna chu : “Thlarauvah awm rawh u, tichuan, tisa chakna chu in zawm dawn lo nia,” Paulan a ti (Gal. 5:16). “Tisa (taksa) thiltihte thlarauva intihlum thin chuan in nung ang,” a ti bawk (Rom 8:13). Tisa dana awm chu thihna, Rinna tluksanna a ni. Tichuan, Ringtute chu keimahnia Pathian Thlarau Thianghlim awm reng (I Kor. 3:16) thu chu kan awih hian thlarauvin kan awm a, taksa thiltihte thlarauvin kan tihlum a lo ni. Tisaa sual ngaihtuahna leh chaknate chawpa khenbehna chu Thlarauva awm chu a ni. Chu chu mihringhlui Krista a khenbehna chu a lo ni. Tichuan, Thlarau dana kan nun chuan, Thlarau lam thilte chu kan duhzawng a lo ni ang. Tisa lam thil duh chu thihna a ni tih kan lo hrechiang thin a ni (Rom 8:5,6).

Tirhkoh Johana chuan khawvel leh khawvela thil awmte hmangaih lo turin min चाहिन; khawvel lungkham tlak a nihlohzia min hrilh ta a; “khawvela thil awm zawng zawng, tisa chakna te, mit chakna te, damchung ropuina lemte hi Paa chhuak a ni lova, khawvela chhuak a ni zawk si a. Khawvel hi a chakna te chawpin a boral mek a ni, Pathian duhzawng titu erawh chu kumkhua in (forever) a awm reng ang,” a ti (I John 2:16,17). Khawvel thil; tisa chakna leh rilru duhzawng; sum leh pai leh nawmsakna umna nitin thihsan zela, Lal Isua hnung kan zui chu; tluksan lohna leh mutthluk san loh chu a ni e. Sumah i rinawm em? Hmeichhiat mipat thil leh kamhleinaah i fihlim em? Tluksanna leh mutthlukna lakah i fimkhur ang u.

CHANCHIN LAWRKHAWM

KHAWLIANCORPS: Good Friday leh Easter Sunday chu Bialtu CO, Aux.Capt.Bensama chuan hmanpuiin, Tawngtaina Tlangah kalin Pathian pawlna hun tha tak an hmang a, Lu chung a kut nghat tawngtaisakna an hmangte chuan mimal tinah Thlarau Thianghlim hnathawh nasa takin a thlen tir.

HLIAPPUI CORPS : Good Friday hma zan atangin Major K.Biakthuama C.O chuan Crussade neiin hun a hman pui a, Inrinniah Rawngbawltu pualin Retreat

an nei zui a, Sermon wavi 9 lai a puang chhuak a, Thlarau malsawmna dawngin an hlim hle. He tih lai hian SAY chuan, mi 41lai thawk chhuakin Rabung Society an lo tlawh bawk a, an hlim tlang hle.

BETHLEHEM CORPS : Zaram Sipai Pawl Ni khan, Pu Kawlkhuma Thlan, Kulikawnah kalin, Major Lalsawmliana C.O chuan lawmthu sawina a neih hnua, Band-in Pathian fakna rimawi an hlan. He mi tuk vek hian SAY huaihawtin khawtlang thenfai hna

an thawk . Chhun lamah Nupa inkutsuih thatna neiin hun hlimawm tak an hmang a, zan lamah Biak Inah Programme tha tak siamin inkhawmna benglut tak an hmang bawk.

MAUBAWK CORPS : Corps Cadet Sunday-ah Programme tha tak duangin, Major Thankiamlova leh Major Vanrammawii te chuan an hmanpui a, C.C lam atangin Item benglut tak tak an hmang bawk. Good Froday-ah “Ka tui a hale, tih Thupui hmangin Cadet Linda Lalrinawmi chuan a sawi. Eastern Sundayah “Keiin Khawvel ka ngam ta,” tih Thupui hmangin “Pu H. Vanlalchhuanga chuan a sawi ve thung a, Inkhawm banah Theitui leh Easter Egg an sem bawk. Zoram Sipai Pawl Niah erawh chuan Vengchhungah Damlo tlawh kualin, C.O leh Local Officerte’n Rs500’00 theuh pein tanpuina an hlan.

GILGAL CORPS : Good Fridayah Programme tha tak hmangin, Eastern Sunday-ah Sunrise Service leh Mual inkhawm neiin hun an hmang. Biak Inah pawh rawngbawlna tha takin an hmang . Zoram Sipai pawl Niah erawh chuan, Zingkarah inkhawmna neiin, inhlan tharna hun atan an hmang.

CHHINGCHHIP CORPS : Corps Cadet Sunday hlawk taka hmangin, Cadet Lalrinmawia’n Thuchah a sawi. Good Friday pualin Nilai thawhtanah Thlarau lam Ni an hmang a, Good Friday inkhawm chhun leh zanah an nei a, Thingpui ruai tui tak an buatsaih a, Zoram Sipai Niah khawtlang tih thianghlim hna an thawk a, Zanah Inkhawm an hmang bawk.

SESAWNG BIAL: Good Froday tha taka hmangin, C.O Quarters thar leh C.O Bial thar lawman nei nghalin Ruai theh meuhin hun hlimawm tak an hmang. CTI Corps pawhin Eastern Sunday chu Sipai tlawh chhuahna Ni atan anhmang a, Vanduai thlak takin Sipai chungkuaah Vankohna chhang an awm thut mai a, chu chuan eng emaw chen chu Programme a su buai a, Zan lamah erawh chuan Biak Inah inkhawmna tha tak neiin, Item chi hrang hrang neiha ni a, a, C.O chuan Thuchah a sawi.

DARLAWN NORTH BIAL

GOOD FRIDAY & EASTER SUNDAY : Good Fri-

day leh Easter Sunday hi 21.4.2011 (Thus) zan atangin Easter Sunday zan thleng bial Corps hnih Darlawn North & Darlawn Central Corps ah te hman a ni a. Major PC Lalduhawma Good Friday hi Darlawn North Corps ah hmangin, Maj. Vanhmunliani CO in Darlawn Central Corps ah a hmang a. Inkhawm ban ah Thingpui leh chhangban ruai buatsaih a ni a. Easter Sunday tlaiah Darlawn Christian Joint Committee bultumin Darlawn khawchhung kohhran zawng zawng ten mahni biakin theuh atanga kawngzawhin, Bazar shed ah inkhawm hona neiha ni. Major PC Lalduhawma Chairman Darlawn Christian Joint Committee in kaihruiin, Rev. Lawmsanga EFCI in mipui te au rualna a hova, DSI Darlawn Branch ten thiam takin hla an rem. Rev. Rolungmuana (Presbyterian) in thawhleha thuchah a sawi a, pathian faka zaiho a nuamin kan hlim hle.

ZORAM SIPAI PAWL NI : Darlawn Central Corps ah Lt.Col.Lalramhluna CS te nupa in an hmanpui a, anni hi Major Laithanmawia PRS te nupa in an zui a. Inkhawm chawhma dar 11:00 ah tan in, Major PC Lalduhawma’n inkhawm kaihruiin Speech Lt.Col.Kawlrangthangi TSWM leh Maj.Laithanmawia PRS ten an nei a, Major Lalbiaktluangi’n inkhawm hla hnuhnung thlangin hun tawp a siam. Inkhawm ban ah CO Qtrs. ah inkawmhona neiha ni a, tlai ah Corps pum hup in Vawk talhin ruai nen Zoram Sipai pawl ni hi hman ani. CS hian SA inpe thar te dahluhna a nei bawk.

Darlawn North Corps ah zan inkhawm hun hman a ni a. Maj.PC Lalduhawma te nupa in an hmanpuiin, Pu Lalnela CLS in inkhawm kaihruiin, Solo Pi.Mapuii leh SAY zaipawl zai ngaihthlak a ni a. Pi.Laithangi AHLS in hmanlai sipai pawl leh tunlai sipai pawl tih sawiin Maj.PC Lalduhawma hnen atangin SA Mizoram a din tan dan leh thuchah sawina a nei a ni.

FINANCE TRAINING NEI : 11-13.4.2011 khan Darlawn North C.O. Bial Corps hnih leh Society pakhat te chu Bialtu Maj.PC Lalduhawma’n Finance Training a neihpui.

Ni 11.4.2011 (Mon) - Darlawn Central Corps
Ni 12.4.2011 (Tue) - Sunhluchhip Society
Ni 13.4.2011 (Wed) - Darlawn North Corps

Joint Fellowship & Sport : Date 3/4/2011

(Sat) leh 1.5.2011 (Mon) zan khan Darlawn North SAY leh Darlawn Carmel Presbyterian kohhran KTP te chuan Joint Fellowship & Sport an hmang. Ni 30.4.2011 (Sat) nileng in Field ah item hrang hrang Football, Volley Ball, Tug of War, Kabadi, Relay Race etc. neiin an hlim hle. Date 1.5.2011 (Mon) zanah Darlawn 'N' Biakin ah Pathian thu leh hla inpawlhona an nei a, an hlim in zawngchhang thlak an ti hle.

LAWNGTLAI CORPS : Lawngtlai Corps-



ah Corps Cadet hun rei tak chung din theih lova a awm hnuin, tunah chuan tha takin a ding ve leh ta.

PHULLEN CORPS : Commissioner Lalhlimpuii te unau leh an faten an nu leh an pi Lalchhuangi HLS Sihfa Corps Hriatreng nan Phullen Corps tan Dar thar tha tak mai an pe a, Corps sipaite an lawm hle a ni. Dt. 29.5.2011 (Pathianni) khan Bialtu C.O Capt. H. Lalrinchhana chuan urhsun takin Pathian hnena lawmthu sawina leh hlanna a nei. Hetiang dar tha tak mai leh manto tak mai an nei ta mai hi Phullen Corps sipaite an lawm em em a, dar petu, Lalchhuangi HLS tu leh fate hi Pathianin a let tam takin malsawm se tih hi an lawmthu sawina leh



an duhsakna a ni.

T.H.Q OFFICE SAWN : T.H.Q office chu cheithat a nih dawn avangin hun eng emaw chung atan Ni 3.6.2011 atangin Booth Manson Conference Hallah Office dah sawn rih a ni a, Territorial Commander leh Chief Secretary office erawh chu, T.C Quarters bul, VIP Guest Room-ah dah a ni. Office chei hna hian eng chen nge a awm dawn hriat ni lo va, thla thum hnu maiah chuan Office ngaiah indah luh leh hman beisei a ni.

MARY SCOTT HOME TLAWH : Kum 2010-a Central South Division Home League-te'n Mary Scott Home an tlawnah rahchhuah kal zel avangin, May 2011 khan Central Corps Home League chuan Mary Scott Home for the Blind, Kalimpong tan Rs 12,000.00 (Naupang zawng zawng daih Bed Cover leina tur) an pe a, an chungah thawktute leh Home Naupangte an lawm hle

MITDEL ZIRNAA HLAWHTLING : Mary Scott Home for the Blind-a Matric Candidate 5 leh Plus Two Candidate 1 te chuan, tha taka passed-in an zirnaah hlawhtlinna an dawng. Tin, Sorkar lamin, Home Inspection Hill Area an neih zawh takah, Home fai leh Dicipline thaah an thlang bawk. Hetiang taka malsawmna an dawn avang hian thawktute pawh an lawmin, Salvation Army rawngbawlna an chawimawi tak zet zet a ni.

LOCAL OFFICERCHHUANAWM : Pu F.Kapsanga C.T, Temple Corps chuan, PWD hnuaiah Saitual – Phullen Road Pavement 29 Kms Black topping hna (Est. ` 1085.60 lakhs) tluang taka a zawh theih avangin Pathian hnenah lawmthu sawina Aijal Club-ah Ni 3.6.2011 khan a buatsaih. Colonel Lalngaihawmi TC chuan Lawm thusawi tawngaina a hlan. Hetiang taka hna hautak thawk thei, kan upa zingah an lo awm ve ta mai hi kan lawmin kan chhuang a, Pathianin malsawmin hruai zel turin duhsakna kan hlan e.

VENGTHLANG CORPS, CHAMPHAI : Ni 12.5.2011 khan Vengthlang Corps Champhai chuan Kum 25 an tlin lawmna (Silver Jubilee) tluang taka

hmangin, ruai nen ropui takin an lawm. Jubilee Monument hawnna Capt.Jerry Lalrozama Bialtu C.O chuan a nei. Vengthlang Corps Champhai hi, May 12, 1986 atanga lo ding tan an ni a, tunah Member 130 vel an ni a, member tam lo mahse, Jubilee Sub.Committee thawhrimna leh Corps dang atanga mi thilphalte inpekna avangin Ranpui, Bawng leh Vawk talhin, hnianghnar takin a lawman ruai hi an buatsaih thei a, an chungah Corps Sipaite an lawm hle. Jubile Dar vua-in, Biak Inah inkhawm neih zui a ni a, C.O-in, "Thlen chin atanga hmasawmna pawimawh zia" thuchah a sawi a, Champhai Corps Brass Band chuan Pathian fakna rimawi thiam takin an hlan a, zan lam atangin Crussade neih chhonzawm nghal a ni.

KEIFANG CORPS BIAK IN THAR TUR :
Ni 17.5.2011 khan, Maj. Lalhmingliana DC chuan



Keifang Corps Biak In thar sak tur, Lungphum a phum. He hun den chhen hian, Biak In chheh velah Thingphun hnatlang an nei a, Biak In thar mawi tak an nei thuai dawn ta a ni

LIEUT.COLONEL LALTHLAMUANA, CORPS CADET INCHARGE THLAHNA : Salvation Army Officer atanga Retirement Order a hmuh hnuin, Central North Division, Corps Cadet incharge

hna hun rei tak lo thawk tawh, Lt.Col.Lalthlamuana chu, Ni 31.May 2011 khan, DHQ Staff-te chuan uitak chungin an thlah liam ta. A hmun ruakah hian NI Lalramfeli, Hunthar Corps chu dah a ni.

SCHOOL HMUN TUR PE : Tuipuibari S.A School hmun atan, Tuipuibari VC chuan ram zau tha tak mai Salvation Army an pe a. Buldozer hmangin a hmun hi laih zawl nghal a ni.

MONSOON OPERATION : Central Norht Division chuan June 2011 chhung khan Monsoon Operation neiin, Corps leh Society hrang hrangah beihpui an thlak a, kal tura an ruatte an kal tha hle.

WOMEN OFFICERS & LOCAL OFFICERS SEMINAR & RETREAT : Central South Division Women Ministries Council chuan, Kum 2011 Action Plan-a a lo dah angin, Ni 28th – 29th May 2011 khan, Bethlehem Corpsah Women Officers & Women Local Officers Seminar & Retreat neih a ni a. Palai 150 lai an kalkhawm. Seminar hi Major Vanlalthanga CO Republic Bial, Spiritual Life Development Secretary chu Resource person-ah hman a ni a, Retreat hun erawh chu, Major Lalhmingliana DC Speaker-ah hmangin Thlarau lam malsawmna tam tak an dawng.

RATU CORPS : Ratu Corps chuan, Salvation Army zawm thar mi 70 awm na, Hajiradon khua, Kanchanchera Bial Tripura-ah Biak In hmun tur leh Thlanmual hmun tur an lei sak.

WEST LUNG DAR CORPS : West Lungdar Corps chuan Easter Sunday urhsun taka hmangin, Mual Inkhawm pawh tha takin an hmang.



THQ :

COLONEL LALNGAIHAWMI TC : Territorial Commander Colonel Lalngaihawmi chu Ni 28th June 2011 khan India rama Sipai Pawl Board of Directors Meeting Chennai India Central Territory-a neih ah a tel a, Ni 1st July 2011-ah Khatmandu Nepal a tlawh nghal.

MOTOR THAR : THQ chuan Vantlang zinga rawngbawlina bik atan leh Emergency a hman tur EECO


Maruti Van chu a leithar ta a, hei hian rawngbawlina kawngthar-ah min hruaiin malsawmna midangte tan a thlen ngei beisei a ni.

LEHKHABU CHHUAKTAR : THQ atangin Adult Sunday Bible Guidelines leh Territorial Outreach Mision Operation Mannual 2011 tihchhuah a ni a, he lehkhabu te takte pawimawh deuh hi THQ Trade-ah Rs 10/- in lei theih a ni ta e.

OFFICIAL GAZETTE

With effect from 1st July 2011

1. Major Lianthanga : Territorial Outreach Mission Secretary
2. Major Lalringliani : Retired Officer Secretary
3. Major Laithanmawia : Divisional Commander Eastern Division
4. Major Lalbiakluangi : Division Director for Women Ministry
5. Major Sangchhunga : THQ Public Relation Secretary; Statistics and Men's Fellowship in-charge.
6. Major Vanlalauvi : Prayer Coordinator, Women's Ministry
7. Lt.Col. Rohmingthanga : Pro-tem D.C Central North Division
8. Lt.Col. Lalkungi : Pro-tem DDWM Central North Division.



COLONEL LALNGAIHAWMI
Territorial Commander
India Eastern Territory.

Report :

CENTRAL NORHT DIVISION SONGSTER ARUNACHAL-AH

- F. Zorimawia
Secretary

Central North Division Songster

Ni 19.4.2011(10:30) ah Aizawl atanga chhuakin, ni hnih leh zan hnih Motora kan kalhnuin, Arunachal Pradesh chu tluang takin kan thleng. Ni 21.4.2011-ah Pasighat atangin Oyan Society kan tlawh a, hei hi Arunachala Salvation Army din hmasakna ber pawl a ni a, Mi 5 vel lek ngaithlatu hmaa zai mah ni ila, inkhawmna hun hlimawm tak a niin, kan zai tawh zawng zawngah chuan nuam kan tiin Thlarau hianghlim pawlna kan dawn nasat ber tum niin kan hria. Biak In inkhawm ban hnuin, khawlaiah a remchang apiangah Hindi leh Adhi hla sain, Zaia rawngbawlna kan nei zui a, ngaithlatu mipui an lo pung khawm tha hle. Kan hawn pahin Tailoring Centre tlawhin kan zai ho a, zan lamah erawh chuan, E.O te chhungkua nen sharing hnu leh tawngtai hona hun atan kan hmang.

Ni 22.4.2011-ah Good Friday chu Pashighatah kan hmang a, chawhma inkhawm kan hman hnuin, chawhnuah mual inkhawm kan nei a, Pathian thuchah puang chhuakin, Skit leh Songster ten zaia, tawngtai rualna hun kan hmang bawk. Mual inkhawm kan hman zawh hnuin, kan hawn kawng tluanin hnehna au hla nen Pathian fakin kan zai a, Pu James-a te chhungkuain zanriah min lo buatsaih sak a, kan lawmin kan tlai hle mai. Zan lamah Pu Takom Talwa inah inkhawmna kan hmang a, In neitupa hnen atanga Testimony kan ngaihthlak hnuin, Songster-ten hla eng emaw zat kan sa ho a, zai hona hun hlimawm tak kan

hmang zui a, hemi zan hian Pu Takoma te chhungkua leh an thenawmte inkara inrem lohna awm chu, an lo inrem ta mai a, an thenawmte hnen atangin hla request an neihte kan sa ta zel a, Thlarau Thianghlimin kan khat tlang a ni ber mai.

Ni 23.4.2011 Easter Eve- ah chuan, Siang River lamah sight seeing neiin kan kal chhuak a, a hlimawm hle mai. Chawhnuah Ledum-ah Mual inkhawm kan hmang a, mipui an lo pung chak hle mai a, Songster-ten hla kan sak bakah Worship dance te entir a ni bawk a, hmuhawm an ti hle a, Revival Church-a member pakhat chuan Salvation Army kan khuaa indin hun hunah keipawh ka tel ve nghal ang tiin a sawi chhuak. Ledum atang chuan Bilat-ah Easter Sunday hmang turin kan kal leh ta a ni.



Easter Sunday chu Bilat Society-ah kan hmang a, tual chhung lam atang pawhin Item benglut tak tak an rawn nei a, Songster pawh tum li kan zai a, Non-Kristian atangin mi 2 lak luh an ni a, zahnahna dawhkan hawn a ni bawk. chawhnuah Mual inkhawm neih a ni a, Arunachal Pradesh-ah hian rawngbawlna a inhawng zau hle a, kan cham chhung pawhin min kohna kan chhang seng lo. Kan hawn dawn chuan kan uniform-te hnuchhiahin, a mamawhtute hnenah kan semnghal vek a, tichuan Ni 27.4.2011-ah dam takin Aizawl kan thleng leh ta a ni. Lalpa chu fakin awm rawh se.



Ropuinaa kaisangte

1. PU C. DENGRIKHUMA CS BETHLEHEM CORPS :

- Robert Lalrinawma CLS
- Bethlehem Corps



Pu C. Dengrikhuma CS Bethlehem Corps chu Ni 23 May, 2011 khan ropuina ah a kaisang ta.

Pu C. Dengrikhuma hi Ni 3. Nov. 1946 ah chhawrtui khuaah lo piangin unau mipa pathum leh hmeichhia 2 a nei a. nu leh pa te hi Pu Pahanga leh Pi Lalani te an ni.

Amah hi Chhandamna Sipai chhungkua atanga lo seilian niin, rawngbawl na lama mi thahnemngai tak a ni a. Zirna lamah chuan pawl nga chauh ni mahse mi vengva tak niin a kutziak te a mawiin certificate a hming ziah ngai hi chu a ni hian a ziak deuh kher thin a. Thil chhinchhia peih tak niin. Bethlehem Corps chanchin a chhuilet theih ang ang te register ah uluk takin a vawng a, hei hi Corps pawhin a tangkaipui hle. Corps ah nihna pawimawh tak tak Quarter Master (QM), Corps Literature Secretary (CLS) Assistant Corps Cadet Guardian (Asst. CCG), Asst. Corps Sergeant Major (ACSM) te a lo chelh tawh a. Temporary Assistant Corps Secretary (T. Asst. CS) ah kum 1998 ah dah niin kum 2001 ah Corps Secretary atan commisioned a ni a, he nihna pawimawh tak mai hi a huntawp thlengin a chelh ta a ni.

Kum 1964 ah Chhawrtui khuaah harhna a lo thlenin piantharna a chang a. A piantharna hla leh a testimony chu: 'Ka vanram in nuam tak kawng chu Kros a ni tih hla chang tawp ber leh. Krista thisen hlu tak chhuak chu ka tan a hlu a ni tih hla leh Kolosa 3:3 *In thi tawh a, in nunna chu Krista Isua ah chuan thuhruk in a awm'* tih te hi a ni a.

Pathian ram thilpekah te mi thahnemngai tak niin

Missionary chawm pawh hi Bethlehem Corps ah hian a ma rawt chhuah a ni nghe nghe a. A fapa naupang zawk Samuel Vanlalsawma pawh hian Missionary hna thawkin Tripura ramthim ah a thawk mek bawk a ni.

A ruang hi Bethlehem Corps biakinah inkhawmpui niin Lt. Col. Lalramhluna Chief Secretary in a vui a, Amah thlahna inkhawmah hian Biakin leng lo khawpin a mah sun tu te an pungkawm a ni

2. PU R. LALBIAKTHANGA (KUM 37) LEH TV. R. LALTHATLUANGA (KUM 32) TE THINGSUL TLANGNUAM CORPS : Pu R. Lalbiakthanga leh Tv. Lalthatluanga te unau Thingsul Tlangnuam Corps-te hi, Pu R. Dawngliana leh Pi Rochhingi te fa an ni a, Ni 27th May, 2011 khan Lung an lakna ko chhak chimin a delh avangin Ropuina ramah an unauin an kal ta. An unau zinga mi tho, R. Lianthangpuia (indang tawh) erawh chu a insaseng hman hlah avangin a him thung a ni. An unau hian Corps Cadet zirzo tawh ve ve an ni a, Corps tana mi tangkai tak an ni. Pu R. Lalbiakthanga hian a nupui Pi Lalhlumawmi leh an fate 2, kum 8 leh kum 5 mi a kal san. Tv. Lalthatluanga hi YPRS, YPSM-ah Commissioned a nih hnuin, Puitling lamah mamawhna avangin RS atan ruat a ni a, chumi hnuah Corps Secretary atan ruahmanna siam a nih lai mekin, vanduaina hi a chungah alo thleng ta a ni. Ni 28.5.2011-ah vuina leh thlahna inkhawm neih a ni a, Capt. Lalsangzuala C.O chuan inkhawm kaihuaiin, Major Lalhmingliana DC chuan thlamuanna thuchah sawi in thlah liam an ni ta.

3. PI VUANKIMI HLS (KUM 42) KHAWMAWI CORPS : Pu Vanlalchhawna nupui chu Pum Cancer avangin Ni 1.4.2011 khan a ralthuam dahin Ropuina ramah a chawl ta. Tunhma lam chuan BKHP-ah Secretary hna chelh reng thin ani a, Kum 1996ah Salvation Army-ah lo lut in, Home League Secretary hna a chelh reng thin, rawngbawl naa thahnemngai mi leh inkhawmpui reng rengah kal ziah thin a ni. A pasal leh fanaute Lalpa'n awmpuiin thlamuan zel rawh se.